

OMUKWETU



50c

No. 12

ISBN 0-620-06828-0

Konyala 10,000 oya galukila ngashingeyi moshilongo

Nonando epulo ndika omolwashike oKoevoeta yi na okulonga iilonga yuupolosi, otali tsikile moonkundathana mondondo yopombanda, oprograma yegaluko lyAanamibia miilongo yopondje otayi tsikile natango. Konyala 10,000 yomuyo otaa fudhile mo ngashingeyi ombepo yoshilongo shawo shono ye shi kondjele omimvo dhi vule 20.

Oyendji yomoonakugaluka oyi ihanena ngashingeyi noshilongo ya thiga po omahala moka ya taambelwa mo, opo ya ye ya ka kululukwathane nomazimo gawo ngoka ya topokele nago moomvula dhe kondjo. Yamwe oye li natango momahala gomataambelo manga taa konakona omidhingoloko hoka ye na okuya ko.

Konyala opelesenda 50% dhaamboka ya helukile mOkapale kaNdangwa odha ya komagumbo gawo nosha gandja olweedhe oluwanawa kumboka ye na okutaambelwa mo natango,

osho omupopi gwombelewa yoontauki moshitopolwa shOwambo a tumbula nepandulo.

Moshigwana otamu dhimbululwa ondjuulukwe onene aagaluki ya thike komagumbo mbala ngaashi tashi vulika. Ihe shono inashi kandula po wo oshimpwiyu shawo okudhiladhila egameno lyoomwenyo dhawo koluhindo lwetanga lyoKoevoeta ndyoka lya dhipaga po oshigwana shika.

“Tse itatu popile nande aamwameme aaholike ya ninge ootauki moshilongo shawo sho ya tila komagumbo,” osho yamwe yomwaakwashigwana ye ekelahi ethaneko lyokukalela omahala gomataambelo ethimbo ele. Oshiwike sha zi ko

Tala kep. 8



Oniagumbo ogendji oga hambelela nale notaga ka hambelela natango, molwegaluko lyaanegumbo lyawo. Methano ndika meme Saara Mutomeka ta hambelele okamwayina Mirjam hoka ka yile konima yoomvula 10, dha piti.

Etumo momagongalo nali humithwe komeho

Oshilonga shika oshinakugwanithwa shegongalo kehe meni lyalyo noshomukwanegongalo kehe. Ngele omagongalo taga longo, nena Ongeleki otayi tsikile okukundaneka epipi kehe noshigwana kehe etumwalaka lyalyo muuyuni. Mat. 28:18-20

Oshilonga shetumo oshi na okulongwa momagongalo moongundu kehe dhegongalo nomiigongi, aakwanegongalo ayehe ya kundanekeleka elaka lyetumo. Uuna egongalo hali kundana ethimbo kehe oshilonga shetumo, nena egongalo ndyoka ohali hwama wo mohole yetumo notali kala li na omwenyo.

Omukriste kehe oye omutumwa gwaJesus shaampoka e li. Oye a pewa uuthemba kuKristus a humithe komeho oshilonga shetumo ngaashi omauthompango gOngeleki yetu taga ti. Oshit. 47.

Tala kep. 11



Oshigongi shaawiliki yoombelewa dhaagaluki nodhaUntag miipundi, omolwegameno lyaagaluki. Oshigongi osha yematele omahokololo ogendji gaa na oshili pethimbo lyegaluko lyAanamibia.

JUNI 30, 1989

EFATULULO LYA GANDJWA KONGELEKI YAELCIN SHO OVETA YESILOHENDA YA PITITHWA MO NOOVETA ODHINDJI DHOKATONGOTONGO DHA DHIMWA MO MEMBO LYOOVETA.


“HAKOMAPANGELO, HAKOONKONDO, AAWE, OKOMBEPO YANDJE AYIKE“ SAK. 4:6

Ongeleki Onkwaevangeli paLuther yomu SWA/Namibia - ELCIN oya nyanyudhwa ketseyitho lyekuthopo lyooveta odhindji dhokatongotongo nodhomangambeko ndhoka epangelo lya South Africa lya kala tali thindile nadho Aanamibia kongundhi, nokegandjo lyesilohenda kAanamibia ayehe mboka ye li muupongekwa.

Ondjila ngashingeyi oya palwa ihe opo egaluko lyAanamibia okuza muupongekwa ndyoka lya kala lya tegelelwa uule woomvula odhindji, li vule okushilipalekwa. Shika osho onkundana ombwanawa unene kutse, oshoka oonakupongekwa mbaka oyo aamwameme (aalumentu naakiintu) oomeme nootate, aamwetu, aakadhona naamati, Aanamibia aakwetu. Omaa-

Otashi ka kala oshinima oshiwini noshiyematihi ngele enyanyu lyoonakugalukila kegumbo tali ka yonagulwa po li shituke omayeme sho taa ki iyadha taa ponokelwa. Tse otwa humbata oshimpwiyu oshinene nokwiipula kutya oshike mbela tashi ka ningilwa oonakugaluka uuna ya thigi po omahala gokuthikila negameno lya UNTAG notaa ka galukila komagumbo nokomikunda dhawo.

Odhindji dhomomikunda ndhoka sho dhi li komahala gokokule niilando nomomakuti. Eihumbato lyiilyo iikulu yetanga lyoKoevoet noyetanga lya SWATF oloyo tali tu penduthile oshimpwiyu shika nomaipulo; oshoka aantu mbaka oyo ye li olunza lwonkalo ndjika ya nika ontoyendulu nondumaashe. Onkee otatu kugu onkugo ndjika kutya:



OSHIMPWIYU SHOMAINYENGO GOMAKASPELI NUHAUTO UUSHONA WANIKU UUMBUDHI MOSHIGWANA NATANGO OTASHI TSIKILE.

ko getu nomitima dhetu odhe eguluka dha pwa ko okuya taamba nyanyu nonohole oyindji sho taa galukile kegumbo.

Tse otatu taamba agaluki ayehe nomwenyo aguhe, nonando otu li natango muumbanda. Onkalo moshitopolwa shokUumbangalantulela waNamibia oya nika natango oshiponga kayi na egameno. Iilyo iikulu yetanga lyokukondjitha uukulo lyoKoevoet natango otayi longo naanaa ngaashi ya kala hayi longo shito sho pwa li pu na iita. Okukalapo ashike kwayo nomainyengo gayo mokashawa ye li momatuwa gawo omahalukithi gomacasspeli oshi li musho shene oshinima tashi tilitha notashi fulukitha mo oomwenyo.

Ishewe nando pambelewa omatanga gaakwiita yopashilongo (SWATF) ngaashi Battalion 101 oga kuthwa miilonga, iilyo yomugo iikulu natango otayi taamba oondjambi dhayo noyendji yomuyo oya ziminiwa okukala noondjembo dhayo. Aantu oyendji yomoshitopolwa shika oyi itaala kutya osha nika oshiponga noonkondo okukala nokuya paakwiita mbaka aakulu unene pomasiku gopehulilo lyoshiwike sho yi idhenga mo miitenga yiikolotha noya homata.

1. Iilyo ayihe iikulu yetanga lyoKoevoet nayi kuthwe mo metanga lyaapolosi. Nongele nani omolwomatompelo gontumba ngongandi iilyo yo Koevoet ya dheululilwa iilonga yuupolosi wopashigwana, nena onawa ando iilyo mbika ngele itayi tulwa koshitopolwa shika shokUumbangalantulela woshitopolwa shaNamibia hoka yi igilila okuninga ko iikulumuna.

2. Iilyo ayihe yetanga lyaSWATF, omatanga gookomando nogaakwashigwana naga kuthwe oondjembo dhago niikondjitho yayo nayi gandjwe ku UNTAG, ngaashi sha uthwa mOshitokolitho 435 shligwana yahangana yuuyuni (UN).

3. Aapolosi yetanga lya SWA inaa longitha we iiyenditho yomakaspeli miilonga yawo yokutonatela ooveta nelandulathano, oshoka iita oya hula. Omalweendo omale nomadhingoloko gaasitagongalo naanashilonga yalwe momikunda dhomomagongalo getu nosho wo omainyengo gaakwashigwana miitopolwa ayihe yomUumbangalantu woshilongo otaga ulike ngaa kutya oshiponga shoomboma moondjila ngashingeyi osha hwepopala ngaa. O-

kulongitha iiyenditho yomakaspeli otaku taa ndelitha ashike omatilitho nomambandameko maantu.

4. Aapolisipongololi ya UNTAG naa egulule oombeleva oonshona pomahala nomahala gi ili moshitopolwa shokUumbangalantulela waNamibia. Otu na owino ya gwana kutya okukalapo kwa UNTAG neinyengo lye lyesiku kehe pomahala nomahala, otashi pendutha

maakwashigwana euvito lyegameno notashi shilipaleke onkalo ombwanawa yombili.

Ongeleki ya ELCIN oyi na ehalo enene negalikano ndika lyomuule kutya pethimbo ndika lyetendo lyeluwa lyoshikako oshipe mondjokonona yoshilongo shetu shoka tashi falitha sigo omehogololo lyopauyuuki nolya mangeluka, ngashi lya uthwa moshitokolitho shOngundugameno lyIligwanahangano 435/78 nemangeluko lyoshilongo shaNamibia ndyoka tali ka landulako, onkalo yombili ndjoka ya hunganekwa komuprofeti Jesaja, pa Jesaja 11: 9, oyo wo yi kale tayi pangele moNamibia, kutya:

“Oyo itaa kala nokuningilathana uuwinayi nokuyona sha mevindundu lyandje alihe eyapuki, oshoka evi alihe otali kala lyu udha okutseya kwOmuwa, kwa fa omeya ga kala ga siikila efuta”. Oshoka eno, oshili: Omuwa okwe tu lombwela shoka shu uka. Shoka te tu pula, osho okulonga shoka shu uka, oku mu ulukila ohole yashili nokukala muukumwe nomeifupipiko naKalunga ketu”. Mik 2: 6:8

Peha lyOngeleki yaELCIN

**Matti Iileka Amadhila
Omukwathi gwOmumbisofi
mOniipa eti 9/6/1989**

OMWENYO GWANDJE HAMBELELA OMUWA, NGOYE INO DHIMBWA UWANAWA WASHA E WU KU NINGILE Ps. 103

OMUWA SHO A GALULA Ps 126

Ondundwiilandjimbo. Omuwa sho a galula aakwatwa yaNamibia, otwa li twa fa oonakuyaguma. Esiku ndyoka omakana getu ogali gu udha iindjola nomalaka getu ga ligolele pombanda nomokati kAanamibia okwa tiwa, Omuwa okwe ya ningile iinima iinene.

Eeno, Omuwa okwe tu ningile iinima iinene, otswe shi nyanyukilwa. Omuwa lundulula okukala kwetu mOnamibia ongomilonga dhomvula mevi lyokuumbugantu. Oyo ye endelee nokulila sho taa yi koZambia, oyo ya galuka nokuligola sho taye ya moNamibia.

Ano aamwameme twi ituleni nomukumo megalikano, ngaashi twa kaleni mo ominvo adhihe dha piti po. Ondjambi yesindano okomeho yi li. Ano ombili yaTate Kalunga ndjoka yi vule uunongo auhe nayi kale natseni auheni moNamibia, sigo esiku lyehogololo.

**A. Shapaka
Keetmanshoop**

Etumwaraka lyonomfa nevhumbukolya Hompa Jesus kovakriste nokova pagani

Nomfa nevhumbuko lyaJesus Kristus kwa retera vantu navenye womouzuni ouwakereko nouunakarako, nowo ngau ka karako, mbili nerago netungiko nomwenyo gwanarunye. Egano lyangesi kwa litungire Hompa Karunga morwahore nonkenda zompepo zendi ozo ga pungwisa momuhtu.

Egano eli Karunga kwa litungire owo uzuni simpe kutupuko kapi pwa kere mupukuruli gongandi, ndi murongi, nye meharo lyamwene gayi rugene. Ano pokusikisamo egano lyendi, kutuko ogu ga mu diworokesere, ndi asi a mu pukurure, nye mwamwene tupu gayi rugana, yi yonye natu fumadekera Hompa Karunga munankondo nadinge noku mu pandura nokusakarera morwa ehafo. Ps. 47:1

Jesus kwa fa morwa nonzo detu age muhungami onombudi zonomfa daJesus Kristus a fire vadona 1Pet. 3:18, dokosilivindakano yizo nonkondo kwetu ose ava ngatu ka paruka. 1 Kor. 1:18 Karunga kwa yi ruganena asi: Tu sige nonzira detu douhangami edi adi twara konomfa danarunye.

Makura tu sikure Jesus Kristus ogu ga gendere mouhungami nomoupongoki dogoro konomfa dokosilivindakano. Jesus kwa fira navenye, vagara novakadi vakurona novanona, vakriste novapagani. Nonkondo dendi dokuzowora navenye age kwa di horora apa ga kere kontunda zevhu, pokuverura nampili woudigu ndi woureru nokurugwidira mwenyo owo vana fu. Joh. 11:1-44

Edidiliko limwe lyokutulikida asi, Jesus nonzo detu ga fira nonkango dendi doposilivindakano age nye mokukora kokunene ana kara nye kapi ana divara ku tu kanderera kwaKarunga Guhwe asi: Tate, va dongwenena po yeeyi kapi vana diva eyi vana ku rugana. Luk. 23:34


Hore zaKristus nene unene kwetu, yiponye asi; vakriste novapagani tu huguvareni nonkango dendi, yeeyi ado dosili hena asi hore zendi zanarunye narumwe si ngazi runduruka. Age kwa yambata nonzo detu komapepe gendi noku tu zegwilira nzira zomaligendero naKarunga.

Morwa Jesus Kristus, Karunga kuzuvha makanderero getu noupirankondo

wago. Ove mukriste nove mupagani ziguruka nezwi lyenene o dimbe nonsumo donomfa nevhumbuko lyaKristus yeeyi yige hotepopero zoge, yige hompa goge.

Hompa Karunga kwa gusire Vaisrael moupika morwankugo zawo moruhepo. Exod.3:7 Kristus kwa mu zerwilire posilivindakano yipo nkenye ogu ana kutara ko, a paruke. Num. 21:8 Natuvenye tu guseni sionene somukorokotji gwina va pamparerere kosilivindakano kumwe naHompa Jesus, ga tente asi: Simpe nokutjira si ove Karunga?

Makura ana tantere Jesus asi: Hompa diworoka nge nzene to zi mountungi woge. Luk. 23:40-42 Delike nonkango dina tu wapere tu di uyunge momazuvha aga gomadigu. One vakriste novapagani, tu diworokeni asi, Jesus kwa fira kosilivindakano yipo ose tu kare nomwenyo nomfa nevhumbuko lyaKristus yiyo ya mangurura mbudi zongwa zokuhamena eparu lyandarunye. Mark. 16:15-16



Hompa Jesus ogu ga fire yiyo va muvhumbura koufe yiyo ga ka hingira korulyo rwaKarunga Guhwe munankondo nadinge, kuna kutundindira tu mu sikure monompadi dendi, makura nose ngatu ka kare pweni narunye narunye. Nayinye eyi yangesi ngayi horokera morwa nomfa nevhumbuko lyaHompa gwetu Jesus.

Morwa yeeyi yimo gayi harere Karunga mwene asi: Jesus a fire vantu navenye yipo ngava paruke awo ngava divire ngepo asi: Ameni Karunga gwawo. Sak.13:7-9 Ngamoomu tupu da tanta nonkango dontimantjima zeTestamente lyepe asi: Yeeyi Karunga kwa here uzuni unene-unene, yiyo gau pere Munwendi gelike a huru asi, nkenye ogu a mu pura, a dire kuzonauka, nye a kare nomwenyo gwanarunye. Joh. 3:16

Leevi Moses K. Nkarapamwe

Natango ekwafo loye ola teelelwa



Omweevangeliste Shakaalela ota taamba otjeke yiimaliwa yetungo komudhiginini gwayo, omudiakoni J. Shikongo, mbyoka ya zi kOngeleki ya ELCIN. ELCIN iimaliwa okwe yi pewa kEhanganotumo lyaSoomi

Taulukila kOshiwakopo u tu kwafe. Oil 16:9. Ovamwameme ava hamu lesa oshifo shOmukwetu, onde linekela omwa leshele ehokololo tali popi etungo longeleka yovanailonga muSwakopmund. Ehokololo ola holokele mOmukwetu No.10/88. Apa onda hala ndi ku shivifile nokutya etungo

eli ola tamekelwe 10.4.1989, nopaife ekuma ola pwa.

Ovatungi pefimbo eli omunyoli ta nyola, ove lipyakidila mokupangela oikonde. Ngeenge owa tumu ekwafo loye, ope na efane'ko, kutya etungo

Tala kepanja tali landula

MWE UYAPO, MWE UYAPO VAMWATATE!

Etumwalaka tali shikulwa apa ola longekidwa kokomisi yokutambula ovaaluki, Ovanamibia yo CCN, ya shiivika nedina Okomisi yoo R vatatu (3), ya longekidilwa keshe umwe ou ta di kombada ta alukile meumbo. Etumwalaka ekundo koshiwana o shiholike sha kala mekondjo pondje yoshilongo, otali leshwa ngaashi tashi shikula:-

Fye okomitiye yo-3-R mo CCN, otwa hafa neenghono oku mu hambelela mealuko leni, hatu shi ningi ponhele yovawilikingeleki vetu noyOvanamibia vakwetu vomayovi omafele ovo va kala tava kondjo pamwe nanye omolwemangu-luko loshilongo shetu oshiholike.

Okufika kweni okwo ehovelo lepandja lipe membo londiokonona yaNamibia nokwa lyatifa

natango enha limwe komesho mondjila yefindano, momahepeko nomembonyauno olo la kala po moule womido odo da dja ko domilongo. Epangelo loukoloni nokatongotongo, paife otai xulu po.

Fye okomitiye yo 3-R pamwe novanashilonga vomafele mOngeleki, otwa kendabala ngaashi hatu dulu mefimbo olo lixupi la yandjwa melongekido, opo tu mu monene eenhele odo nye

mwe di lilongela moshiwana. Eshi otwe shi ninga tu na eyambidido la kula lEengeleki notu na eudito limwe neengudu dikwawo mounyuni aushe.

Hano otwa hala osho tu twikile ngaha nelitulemo yo leni alishe. Otwe mu pumbwa mewiliko leenhele dinene domatambulilo nomwaado yo dinini, omolwokutukula oikulya yEhangano lo W.F.P, molwouteku wehongo nomolwetungo lomaumbo omo tamu yakulilwa eyakulo lo-paundjolowele nolependulopo loshiwana.

Fye otwe shi pandula neenghono eshi Kalunga kemanguluko e tu pa omhito yokulonga pamwe mokutungulula oshiwana shaNamibia. Ngashi mu shi shii, kutya oku na natango oimbide mondjila yetu, nohakeshe nande omunhu womoshiwana ta hafele caluko leni. Ashike omahodi enyanyu oo tamu ka a mona paife taa kunguluka momesho avahapu, otashi mu ulikile nokutya ekondjo leni pondje yoshilongo, inali kala oshimha.

Nashi kale she mu yelesa nokutya okomitiye yoo R-3 yopunye, oya hala oku mu yambidida komukalo keshe, noya hala i mu amene noi amene oufemba weni. Otamu ka shakeneke koinima iuhapu. Ovaholike veni vamwe kave po vali mokati ketu.

Otashi dulika mu ka shakeneke omatukauko, outondwe netilo. Ashike "ovo tava kunu nokulila omahodi, ohava teya va nyakukwa. Omwene okwe tu ningile oinima inene, notwe shi pandula". Ouyuki, ombili netambulafaneke, nai kale oiimati yealuko leni.

Ponhele yovayakuli veni
Wilfried Neusel
Omunashipundi wokomitiye 3-R



Esiku kehe oondhila dhligwanahangano otadhi gwile muupale woshilongo shika okugalula Aanamibia. Ondhila methano ndika oya li yotangotango mOkapale ka-Ndangwa.

ELUNDULUKO NATANGO OLININI

Kuku Natalia Naango Shiningwe (100) Etilyasa, okwa hulitha oondjenda dhe 22.2.1989, muuwehame wethimbo ele. Eimbilo 133:4. Rom 12:12.

Fredrika Naango Tobias
Oshikango - Etilyasa

Tate Kalunga okwa ithana ko tate Risto Shalimba Nakadhiya Onaanda, eti 1.3.1989, muuwehame wethimbo ele. Okwa thigi ko omukulukadhi noyana 5. Eimbilo 382.

Emilia Nd. Angula
Olupumbu Comb. School

Dha zi kep. 3


li kale la pwa muJuni, omubishofi Dumeni a shiive e li tule moilonga. Opa tengenekwa ovanhu tava wanene mongeleka ei ove fike 6020. E-tungo alishe ngeenge la pu, otali ka pula R182 864,00 inamu kwatelelwa oipundi.

Omwaalu ou R43 536,25 owa futwa nale ovatungi nosho sha li oshikando shotete. Metungo omu na osaala, oshinyanga, onduda yokunangala ovaenda nokalikoshelo kavo. Omu na yo undjuwo vavali, kovalumenhu nokovakainhu. A-pa otapa landula opoonsa yetu:

P.O.Box 3568, ongodi 63006
Vineta, Swakopmund 9000

Ekwafo leni ola teelwa unene. Tangi eshi tamu litula mo.

Gideon Shakaalela
Omweevangeliste



Otwa li tu shi eshi hatu fiki moNamibia ohatu hange omakaspeli i taa lotoka vali neendjila moshilongo momaumbo taa pulapula SWAPO, osho meme Mirjam a tumbula nonghumwe inene eshi a fika moshilongo.

Meme Mirjam Sakaria okwa filele po oshilongo eshi konima yeedula 10, fimbo a li mostanda 1. Okwa ti kutya ekondjo lavo ove uya ve li xulifile poukefa wehoololo okudenga omutondi. Ota indile oshiwana shi yandje eyambidido lasho koSWAPO okuteya po oukoloni.

OKAHOKOLOLO OKAHUPI KO-SHILONGATUMO MUUNINGINI-NO



Methano ndika okuza kolumoho, omusita Elia Haipinge, elenga lyomOshitumbe nomunangeshefa Filippus Shiimbi pethimbo lyetalelopo lyAanashitumbe mOkahao



Osheendo shetalelopo mOshitumbe pamwe noshigwana shomOshitumbe. A thikama methano ndika omulumentu oye Filippus Shiimbi.

Okuninga shoka Jesus a ti

Jesus okwa gandja iipango oyindji kOngeleki ye. Ihe oshipango oshinene sha Jesus osha tseyika nawa melongo lyopakriste, kutya okufala elaka etoye kumboka inaye li uva natango. Oshipango shika shOmuwa osha li oshikundathanwa oshinene moshigongi shaayehe shOongeleki onkwaEvangeli paLuther muumbugantu waAfrika (Felcsa).

Oshigongi shoka osha gongalele mOngwediva 24-28.4.1989. Ehangano ndyoka lyAakwaluther oli na iilyo yomagongalo omiliyona 1.3 yongelekishilyo dhehangano 11. Ongeleki yaELCIN oyi li oshilyo.

Ongeleki itayi longo etumo uuna yi uvite kutya kayi na we manga sha shilwe oku shi longo, osho oshigongi shomOngwediva sha londodha Oongelekishilyo.

Etumo olyo Ongeleki, nomwiitali kehe, okwa tumwa oku ka longo oshilonga shoka, ngaashi hashi dhimbulukithwa Osoondaha kehe konima yelongelokalunga, osho sha leshwa moontokolwa dhoshigongi.

Moonkundathana opwa dhimbulukiwa nkene Ongeleki onkwaLuther muMozambikwe ya hogolola okomitiye yoshilonga shetumo. Opwa hololwa wo onkambadhala ndjoka tayi ningwa kuELCIN okudhika ehala lyetumo moshitopolwa shaCaprivi.

"Alikana ooprojeke ndhoka tadhi holoka po omolwiilonga yetumo mOongelekishilyo, nadhi tseyithwe mbala kombelewa, osho eindilo lyoshigongi shoka.

ESO

Tate Festus Sheetekela Naishandi (58) momukunda Omhedi mOukwanyama okwa xulifa oweeda waye moyehame wefimbo lixupi, 10.3.1989 mEngela. Okwa fiyako omufiyekadi onona 11 noustekulu 14. Kalunga oha kunhu, ndee ta teya. Tu hekelekweni mEdina lOmwenene.
Petrina T.Naishindi



Omunangeshefa Filippus Shiimi, mOkahao okwe tu tumine okahokololo haka taka popi etalelepo lye kulimwe lyomomapyatumo mUuninginino. Ota ti ngeyi: MuJuni 1987, otwa talelapo Epyatumo Oshitumbe mUuninginino wOwambo. Onda li nda thindikilwa kaanegumbo lya ndje nokongundu yolwiimbo mOkahao. Aantu oya li ya gongala ye vule pethele limwe.

Otwe ya ithana ya thike megongalo lyOkahao, opo tu tsaathane omukumo mokutaandelitha eso neyumuko lyOmuhupithi. Eti 15.10.1989, oshigwana shono shomOshitumbe osha tsakanitha euvaneko lyasho sho she tu talelepo.

Omusita Tatekulu Elia Haipinge mOkahao okwe ya kundu nOhapu yaKalunga. Okwe ya yelithile nkene chupitho lye ya taalela moshipala. Eyaangeli olya hala okutema omulilo gwalyo mOshitumbe, osho e ya lombwele.

Etalelopo lyaanashilongatumo mOmbelewa yOmukwetu



Oshilonga shevaangeli muumbugantu waAngola otashi tsikile natango nomwenyo. Osho wo onkalo yomainyengo gopapolitika oya shuna yu uka kuuwanawa, osha hokololwa komusita Samuel Shiininge, methano ndika kolumoho, megongalo, Oshikango- Popawa. Tate Shiininge okwa thanekwa omwedhi nguka pamwe nomuyevangeliste megongalo ndyoka Dionisiu Popawa, methano kolulyo. Methano pokati oCarus Neunda kolumoho na Shatipamba Ndipulalye.

NAMIBIA MOMEHO GAATALELIPO



Oonkundathana dhaUntag omolwoshimpiyu shegameno lyaagaluki.

Etanga lyoKoevoeta ndyoka SA e li luku aapolosi, oli li etilitho enene moshitopolwa shiita muNamibia, naashono sha pumbiwa osho oku li halakanitha po miilonga, opo pu monike ehogololo lya manguluka noli na uuyuuki. Shino osha papiwa koongundu dhopaali dha yooloka pethimbo lyetalelopo lyadho moshilongr

Osheendo shaakalelipo yomapangelo giilongo, Angola, Zimbabwe, Botwana naZambia oya talelepo omwedhi nguka oshitopolwa shOwambo okutala onkalo nkene ya tya. Osheendo

iinima tayi landuia:

-Okwaainekelathana pokati koongundu dhopolotika okwa nayipika ombepo ayihe yehogololo. Osho wo metaambathano lyoonkundana, oshindji osha nika omitoto nokwaa na uyelele.

-Ehokololo olya tsikile lya ti oluhindo otalu dhimbululwa moshilongo ashihe nosha ningegonga pomutima gwoshigwana. Etanga lyoKoevoeta ndyoka pambelewa taku tiwa olya hanagulwapo, shoka inashi etela oshigwana egundjilo.

-Oonkatu ndhoka dhi shi okukuthwa mbala nokuli, osheendo shoka osha ti, okukutha po andola etanga lyoKoevoeta muopolosi. Andola



Methano ndika okuza kolulyo aakalelipo yomapangelo gaAfrika, Omwaambasaade K.G.D. Manyika gwaZimbabwe, Omusamane P.A. Pilane gwaBotswana, Amushanga gwomayelithilo muELCIN, John Shitundeni; Omwaambasaade A.C.B. Ribeiro gwaAngola, Omuwiliki moshitopolwa shOwambo, omusamane John Rwabuya gwaUganda, Omwaambasaade Leitenadandjayi M. Benge gwaZambia, omukwathi gwomumbisofi Matti Amadhila, omwaambasaade R. Corosso gwaTanzania, omusamane A.M. Pungwe gwaTanzania nomusamane A.J. Folilwa gwaZambia.

oshikwawo oshi li mumwe, Aayamerika nAayafrika aanawino miinima yegohololo. Nayo oya kala taa ilongo onkalo yoshilongo.

Osheendo sha tumbulwa oshi na oowino dhomahogololo miilongo konyala 40, nosha talelepo mpaka uule woshiwike. Osha li mewiliko lyaangoka a li nale omupresidende gwaAmerika gwopevi, omusamane Walter Mondale. Ongundu ndjoka molweendo lwayo mpaka oyi ilongo

omukalelipo gwa UN, omusamane M. Ahtisaari na dhiginine okupula epulo ndyoka, kee na eningilomo, opo a tsakanithe oshinakugwanithwa she.

-Etanga lyaapolosi nali lundulule omukalo gwalyo gwiilonga. Aapolosi yaa ende we momakasipeli, unene ngoka ge na oondjembo. Ya humbate owala uundjembo uushona, opo yaa hinde elandulathano lyoshitokolitho.

-Omakasipeli okuholoka piigongi yopapolotika nokweenda momikunda, omukalo naanaa gwomambandameko, gwa longekidhwa owina. Okangundu komakonakono goluhindo (okangundu ka O'Linn) naka konakone iinima ya yela ka mone einkelo moshigwana.

-Aanambelewa yaUNTAG nayo naa katuke onkatu ya kola okutala iipotha mbyoka ya gandjwa miikaha yaapolosi ya SA ngele oya mona tuu shili omayamukulo. Yo aapolosi yaUntag ya pewe oonkondo okulandula aapolosi ya SA mukonakona iiningwanima nokutala omapulo giiningwanima.

-Ongundu kehe yopapolotika yi inyolitha mehogololo, nayi pewe ethimbo li thike pamwe nonkwawo okuholola omadhiladhilo gayo mOradio. Oonkundana nookoomenda nadhi kale dha dhindwa nawa. Untag naye na pewe ethimbo lya gwana melongitho lyOradio noT.V.

Osheendo sho sha konakona ethaneko lyelandulathano lyehogololo osha dhimbulula kutya meinyolitho, mehogololo nomeyalulo lyomawi, omwa gwedhelwa iinima oyindji inaayi pumbiwa tayi lyalyakaneke ashike aantu notayi manapo ethimbo. Shono otashi yono ehogololo, ehokololo osho lya ti.

-Ethembo lyokuyalula omawi olya thanekwa tali pula konyala iiwike iyali lwaampoka, omukalo ngoka gwa pumba okuninga momahogololo giilonga. Osheendo shaanawino miinima mbyoka yomahogololo, otashi thaneke andola ngeyi, kutya omuntu kehe i inyolithe nokuhogololele andola mpoka ye e li, esiku ndyoka.

Iitopolwa 23 moka tamu ningilwa omahogololo yi topolwe andola natango muutopolwa uushona opo shi ete omukalo omupu gwokuyalula omwi nokwiinyolitha.

Aatonateli yomongundu yaUntag ya kale andola ya shaina kehe ofooloma ndjoka yokwiinyolitha. Omawi ga yalulilwe ando miitopolwa moka ga umbilwa muuketha. Ongundu kehe yopapolotika yi inyolitha mehogololo, andola yi ziminimwe opo yi tule ontaliho yayo pokaketha kehe okutala shono tashi ningwa po.

Osheendo shono osha dhimbulula nokutya oyendji yomoshigwana inaa itaala kutya SA ota vulu okuwilika ehogololo muuyuni. Onkene osheendo shoka otashi thaneke kutya Ngoloneyandjayi, Pienaar ando a tote po okakomisi kehogololo ka manguluka, opo okakomisi hoka ka gandje kongundu kehe tayi inyolitha mehogololo ompito okulongekidha aantu yayo nawa ngaashi tashi vulika nopwaa na okutalwa eyooloko lyopaupolotika.

Okakomisi nando taka hogololwa kuNgoloneyandjayi, oke na wo okuziminwa komukalelipo gwa UN, omusamane Ahtisaari. Ehokololo olya ti oshigwana oshi na einkelo mokatokolitho 435, unene aagundjuka, nongele Iigwanahangano inayi shi pondola okweenditha oshinima shika nawa, ehokololo olya ti walyewo tuu ngele onapu ka monika ompito ya simana ya fa ndjika.

Sebulon Ekandjo

+++++
Tate Kalunga okwa zimbula meekulu Martha Katangalo muwehame wethimbo ele megumbo lye megongalo Onankali mOndonga. Okwa thigi ko oyana 7, aatekulu 44 naatekulululwa 28. Eimbilo 430.

Taimi Naambo Andreas
Windhoek

OMAINYOLITHO OSHIWIKE TASHI YA



Omumamane M. Ahtisaari pethimbo lyetalelo po lye pOniipa

Ahtisaari a talele po oshitopolwa shiita

ONIIPA 29.6.1989: Omukalelipo gwa-Amushangandjaji Perez de Cuellar, omumamane Martti Ahtisaari okwa thigile po ombelewa ye e ye a konakone ye mwene onkalo yomoshitopolwa shiita, mono tamu zi omawi geindilo omakaspeli ga ze momeho gaantu noKoevoet yago yi ze miilonga yuupolosi.

Olweendo lwe olwa tamekele 29.6.1989 ndoka lwe mu thikithile nopombelewa yOngeleki pOniipa. Shoka osho oshikando shotango omukalelipo ngoka gwa UN ta thiki pombelewa ndjoka ya humbata omukundu gwevi ndika omimvo odhindji, nkene i ile moshilongo muApilili, 1,1989.

Metalelopo lye okwe ende pamwe nomukwathi gwe ngoka opo a langekwa miilonga omasiku ngaka omumamane Joseph Legwaila gwa-Botswana. Elelongeleki lyaElcin olya adhikile li li miipundi.

- Oshigwana osha hala omakaspeli ga kana momeho gasho.
- Oshigwana otashi indile omakakunya ga thige po iilonga yuupolisi.
- Iilyo yomagongalo mbyoka ya galuka muupongekwa, oyindji inayi thika natango koofamili dhayo, omolwuumbanda womakaspeli taga thikamene omagumbo gayo.

Iitsa mbika oyo ya li ekundo lyOngeleki kuyo. Olyo wo lya gandjwa kOngeleki yaELCIN kaakalelipo yomapangelo ngoka uukwashilyo wago ihaau lunduluka mOraata yegameno ya UN noyEhangano lyiipindi lyaEuropa (EEC) sho mboka ya adhikile ya pitile po ngohela.

Omakaspeli noKoevoet oyi li oshikundathanwa oshinene ngashingeyi pokati kaNgoloneyandjaji naAmushangandjaji Dr De Cuellar.

Sebulon Ekandjo

Einyolitho oshigwana opo shi mone uumbapila wokehogololo, otali tameke oshiwike tashi ya (3.7.1989), ashike omukweyo gwaamboka taa ithanekitha opo ya ye meinyolitho ndyoka, esiku kehe otagu hupu ko omule sha pitilila. Manga omahokololo gokufuta ombumbo miilonga yethaneko pOluno, nago oga anduka meyakulo ndyoka.

“Ito thanekwa manga inoo kundathana po nagumwe, sigo we ya pe shoka ya hala,” osho gumwe e ya mombelewa yOmukwetu ta yematele eyakulo. Okwa ti ye okwa gandja tango R5,00 e tapu thanekwa owala aantu ye yaali. Iikando ihetatu sho a kala ta holoka mpoka, ota ti oshihauto she ohashi kala naantu ya konda 10 ya pumbwa okuthanekwa.

Omukwawo naye okwa yematele eyakulo lyopomathano. “Olya nika unene okayoya, olya pumbwa okutonatelwa kuUntag, “osho a nyenyeta. Omasiku gatatu sigo gane aantu otaa holoka aniwa mpoka, ihe itaa mono eyakulo. “Otaku ithanwa ngoka e li konimalela oye a yakulwe, manga mu li mpaka komeho,” osho natango omukwawo ta ti.

Omukwawo ishewe okwa ti kutya ye okwa li ashike a ka opalekitha okamutse ke. Okwa pulwa R5,00 konima yekondjo enene, iimaliwa mbyoka hayi pulwa ashike ngoka ha pewa okamutse okape, kotango sho ka kana. Omukwetu ina mona aawiliki yiilonga kombinga yomahogololo ngoka pethimbo lye-longekidho lyoshinyolwa shika.

Omuwiliki gwomainyolitho omumamane Nahas Angula, moshigongi shaayehe 24.6.1989 mOshakati okwa kumagidha aantu mboka kaaye na uutse, yi ikongele oombapila dhomagongalo opo yi inyolithe nadho.

Sebulon Ekandjo

OKANONA KAMUKWENI KA TALA KO KA FA KOYE: OMULANDU GWASWAPO

Mokati ketu omuvali kehe oyina yokanona kehe. Oku na oshinakugwanithwa ashike sheputudho komunona kehe, naamboka yaa shi ye mwene. Osho omulandu gwongundu yetu gwe tu putudha. Shoka osha zi mokana kameme Selma Shiimi, ngoka a galuka muupongekwa womimvo omulongo.

Manga ta hokololele Omukwetu uuteku wuunona mongundu yaSWAPO mookamba moka ya kala mo, okanona Aili Wilhelm, koomvula ndatu, otaka galangata komatundji ge. “Haka onde ki inekelelwa ashike kongundu ndi ka tekule, yina sho a mana oondjenda,” osho a popi ye tu ulike kamwe komomputu ndatu ndhoka dha li dhe mu kakanya kolutu.

Yina yaanona yaheyali, Selma, okwa thigi po Namibia 1978, manga omugundjuka lela. Ota ti okwe endele pamwe nosheendo oshinene, te shi tengeneke popepi nethele limwe. “Sho twe ya mOndjiva, mo twa tsakanene noomwahe ndhoka dhe etwa koshipangelo dha hupu moCassinga omumvo ngoka.” osho ta dhimbulukwa natango. Ota ti shoka kasha li sha teya po nando ombepo yawo omukumo okutsikila.

Omumvo 1985, ongundu oye mu tumu ku-Kitwe, shaZambia, a konakone ontseyo mesiloshimpwiyu lyaanona, lyaaposi, oombolo, iilema naakambeli. “Onda kala gumwe gwomaawiliki yoosikola dhoshikunino mokamba yaKwanza Sul, muAngola. Noshilonga shandje okukwatha aalongi naaleli yuunona miikunino, nkene ye na oku shi ninga. Shoka okwe shi popi manga e li omutumba mOngwediva kombanda yepakete enene, ngoka aagaluki ya topolelwa koshikondo shesiloshimpwiyu lyaafadhukipo shomligwanahangano.



Meme Selma Shiimi nuunona we. Aili omutekulwa kolulyo lwe

Pethimbo ndyoka ta kundathana ngeyi nOmukwetu, okwa li ta nyengwa manga okuyamukula epulo, shoka ta ka ninga noowino ndhoka dha simana e dhi na mokati kaamboka taa nyengwa okwiikwatha yoyene. “Opo tatu tegelele tu mone manga shoka tashi tu zile monkalo ndjoka twe ya muyo,” osho a tumbula ye ta hutu komapepe okuholola uunyengwi wontseyo yonakuyiwa.

Onkugo yepongo oKalunga mwene he yi tondoka

Muule womimvo dhi vule 30 moka Namibia a kala koho yepangelo lyuupika womutondi gwe SA, momaupyakadhi ngaka pokati mpoka oga etele Aanamibia o-matopauko, okuza moshilongo shawo nokuya pondje yasho. Pondje yoshilongo opwa kala aakondjelimanguluko taa kondjele emanguluko, ombili nuuyuuki u holoke shili. Mboka ya kala meni lyasho nayo oya kala taa kondjo nomukalo kehe ngoka taa vulu negalikano, opo aamwayina ya galukile koshilongo shawo nombili. Tate Kalunga okwa uvu onkugo yomapongo gaNamibia nokwe yi yamukula. Osha yevele okuza eti 12.6.1989.

Iithiminiki monkalo yAanamibia oku ya fala kondje yoshilongo, yimwepo yomuyo SA okwa shaina kutya okwe yi kutha po. Opo mpoka twa thiki sigo oponkatu ndjika twa hangana notatu ka hangana naamwameme okuza pondje ya galukila kegumbo. Aanamibia otwa nyanyukiwa egaluko lyaamwameme, mboka ya zile putse momatidhagano, ihe nena otu ya wete taa thiki putse monkalo yomuntu a shitwa kuKalunga.

Atuhe otu wete Omuwa mwene okwa tondoka onkugo yetu. Mokunyanyukilwa shika inatu dhimbweni, natango kutya inatu thikeni natango ponkatu mpoka tu na okukala po. Shoka twa hala natango inatu shi mona. Nonena tuu otu li mepangelo lya SA. Tse otwa hala epangelo lyetu li ye momake gAanamibia tseyene notu kale wo nepandela lyoshilongo shetu ngaashi yakwetu ye li miilongo yawo ya manguluka.

Molwaashoka otseyene tu na okumanguluka evi lyetu, otse tu imonene ombili, otwa pumbwa ihe okulonga. Omunamibia ou na okulonga ngoye mwene nokuholola kutya owa pumbwa shili emanguluko. Aamwameme mboka oya li mekondjo edhigu, ihe oya longele neitulomo sigo ye tu etele ekondjo ndika epu. Iilonga yetu ngaashingeyi nayi kale okukanitha omaumbanda moshigwana shetu nomatilithathano. Tu longathaneni noondunge adhihe. Tu pukululathaneni, yakwetu ya galukile kongundu yoshigwana.

Moshigwana shetu omu na omukithi gwoongundu odhindji dhopolotika, ndhoka inaadhi monika nale miilongo yilwe ya manguluka. Odhindji dhomudho inadhi holoka po kudhodhene, ihe odha tulwa po komutondi gwoshigwana nelalakano lyoku tu topagula, opo a mone uupu woku tu pika.

Omukithi nguka Aanamibia otseyene aapangi yagwo ngele tatu longathana, tatu pukululathana nokudheminathanapo. Oku na aniwa mboka ya tegelela okumangululwa kuUntag. Oto ikalitha natango muupika womutondi gwoye SA. SA natango oye e na elelo mAanamibia na Untag ota tonatele ashike shoka te shi ningi, ngele ote shi ningi, tuu pauyuuki nopa mbili.

Natu kale twa tseye kutya otatu ka hogolola ongundu yini, ndjoka tayi ke tu kalitha memanguluko.

Taati Kanana

OMIDHIMBA KOMBANDA OOMWEDHI MBALI NETATA




Omukwaniilwa Shikongo shaTaapopi methano kokumoho, okwa thikama poshihauto she sho a galuka mokuti moka a ka gongelele omidhimba dhaakwiita yaSWAPO. Kolulyo methano omundohotola S. Amadhila ngoka naye wo a li meyakulo ndyoka.

Omasipa gaakwiita yoPlan oga gongelwa kaakwashigwana e taga fumvikwa omwedhi nguka pamukalo gwesimaneko. Pahokololo lyaakalimo yomEunda, omalugodhi oga li ga ningwa pokati kaakwiita yaSWAPO netanga lya SA eti 2.4.89 mEenawa nOmbome, mpoka aakwiita 16 ya thigwa melundu lyowala.

Konima yoonkambadhala odhindji omidhimba ndhoka dhi kuthwe po kaapolosi ya SA nenge yaUntag, omukwaniilwa Josia S.Taapopi okwa ka gongela omasipa ngoka 19.6.89 nongundu yoSWAPO oya longekidha iiketha efumviko li ningwe pamukalo gwesimaneko. Efumviko olya ningilwe 28.6.89 momudhingoloko ngoka. Aakwiita mbaka itaa ka dhimbiwa we koshigwana.

Sebulon Ekandjo



Omudhimba 16 odha tulwa miiketha 8, omidhimba mbali mukehe oshiketha

Dha za kep. 10

fyaaḷ mekondjo. "Paife otu li pokuxulifa po efimbo eli lomulaulu, tu shi shii ava va yandja eemwenyo davo efyo lavo inali kala epwanga," osho a twa ovapwilikini omukumo.

Okwa dimbulukifa oshiwana omalishangifo oo a ti kutya otaa hovele mulotete laJuli fiyo Septemba 15. Omunhu keshe okwa indilwa a kale nokamutwe oko take mu tambulifa melishangifo.

Omundohotola T.Tweumuna mepopifo laye okwa ti kutya, SA mokukondjifa oshiwana eshi ina kala ta tongola pokati komukwaita waSWAPO a homata nokaana ile omukulupe a nangala monduda meumbo. Ekondjo nali ka twikile poukafa opo hatu ke mu denga ongunyo pomutima oyo ine i mona nale, osho a ti.

SA okupula Ovanamibia ve ke mu hoolole, omushamane Maxwilili okwe shi yeleka nombwa tai pula omunghoka i velele. Okwa ti exwikilo leemwenyo edi da yandjwa koukadona novamati vaNamibia, ola eta po oshivilo shefudiko lomumati waKakamasha pamwe noukoloni waye.

Omukolonyeki eshi ta kondjifa oshiwana eshi sha ya pondje, omafimbo amwe okwa li ha dimbwa kutya, oSWAPO ohe i fii nomeni lohilongo, osho omutalelifikola E. Atshipara e mu yola. "SWAPO oshiwana noshina oSWAPO, SA nashi kale she mu yelela eshi," osho a pukulula.

Sebulon Ekandjo na Taati Kanana

VA FIKA MO MUNAMIBIA

mEtitatu (21.6) oshinima shegamenyo lyoomwe-nyo dhaagaluki nkene tashi shilipalekwa, osha li sha kuutumbilwa komitse ominene dhometanga lyaUntag, dhomoshikondo sheyakulo lyootauki, kookomanda dhometanga lyaakwiita yaUntag nolyaapolosi, kaawilikingeleki nokewiliko lyoSWAPO. Oshigongi osha ningwa mOniipa.

Oshigongi osha tsu kumwe, kutya etanga lyoKoevoeta ndyoka pambelewa tali ithanwa aapolosi, oyo li li oshiponga koomwenyo dhaakwashigwana notali hindi ombepo yokatokolitho. Oshigongi osha tsa kumwe, etanga ndyoka li kuthwe mo miilonga yuupolosi mbyoka inaali yi dheulilwa, omukalo ngoka aguke tagu vulu okushilipaleka ehogololo li kale lyoshili nolya manguluka.



Yamwe yomAahimba mboka ya kala muupongekwa oya li mongundu yaagaluki ooyakwawo moshigongi.

Oshigongi osha iuvanene shi tsikile natango nonkambadhala shi konge omukalo nkene Ngoloneyandjayi gwa SWA ta ziminitwa okuhulitha po etanga lyoKoevoeta miilonga yuupolosi. Omumbisofi gwaELCIN okwa adhika a nyola ombilive ndjoka ya tuminwa omusamane Louis Pienaar, moka omuleli Pienaar i indilwa a talulule oshinima shoondjembo komakaspeli nedhingo- ngoloko lyago momagumbo moka taga pulapula aakwashigwana.

Ombilive yomumbisofi oya landulile ko ombilive yomukalelipo gwaAmushangandjayi, omusamane Martti Ahtisaari, ndjoka nayo tayi indile Ngoloneyandjayi a kuthe po etanga lyoKoevoeta muupolosi. Komaindilo ngaka agehe, Ngoloneyandjayi okwa tindi, kakele koondjembo dhomashina komakaspeli ndhoka a ti otadhi zi ko.

Ayehe omusamane John Rwabuya omukuluntu gwondungu yaUntag moshitopolwa shOwambo nomusamane Nicolas Bwakira, omukuluntu gwombelewa yoontauki mOvenduka oye shi koleka moshigongi shoka, nokutya etanga lya-

polosi otali ka nenepekwa okushilipaleka etonate- lo miitopolwa ayihe yoshilongo momakaspeli 10 otaga ka longithwa kaapolosi yaUntag opo ya vule okulandula oKoevoeta shaampoka tayi ende. Omukalo nguka oya ti kutya itagu vulika ngashingeyi sho yaa na iihauto yomiihwa.


“Natu taleni mboka ya yi komagumbo (aagaluki) yaa tale kutya otwe ya ekelehi mombepo, ihe tu ya uvithe uugumbo negamenyo”, osho omusamane Ngandu Ilunga a dhimbulukitha moshigongi shoka. Omusamane Ngandu omunambelewa omukuluntu gwoontauki moshitopolwa shOwambo.

Oveta yefilonghenda oya yandjwa pamwe nove- ta A.G-14 yekufepo leeveta domafininiko da longifwa moshilongo omu. Eeveta 38 domudo oda dimwa po, odo da kwatelela mo:

Oveta yeameno loshiwana yomudo 1953, eeveta dimwe doveta yepopilo loshilongo (1957); oveta yoyoongalele i he fi yopaveta (1960); oveta yokuta mo omunhu oo ina pumbiwa moshilongo (1962); oveta yokulo (1967) oveta yeameno loitukulwa (1977), oveta yekecelelo leshivifo loyoo- ngalele (1981), noyeameno lomakanghameno oufemba, (1988).

Oku na yo eeveta dikwao da kufwa po ngaashi oveta yokukuta Ovanamibia moita ya SA, nove- ta yokatukulwa 103 ter oyo hai dulu oku ya omatokolo ohofa moshipala. Oveta yetambulo lovahongwa mofikola paitavelo laye.

Endangalati la fyaala natango mee- veta domahepeko, oveta yomaduumbo AG 8.



Tatekulu naye okwa kala eedula 10 pondje yoshilongo, paife okwa alukila noludalo laye mOnamibia.

Tate Kalunga okwa ithana po tate Hosea Akuunga Aukongo eti 10.2.1989 moshiponga shoshihauto. Otandi gandja omahekeleko kumeme nuunona nokaakwanezimo ayehe. Eimbilo 143 mEhangano.

Andreas Abraham
Elondo — Uukwaluudhi

Omasiku 14.2.1989 Kalunga okwa pitika a ithane mo omugundjuka Jakob yaLeevi muuyuni mbuka. Joh. 14:3.

T. Amuulo



Aanambelelwa aakuluntu mboka ya kundathana egaluko lyaagaluki. Okuza kolulyo omukuluntu gwomatanga agehe gaUntag mOwambo J.Rwabuya Omunambelewa omukuluntu gwoontauki N. Bwakira nomutonateli gwaagaluki mosheendo shawo omusamane Nangolo Ithete, moSWAPO.

Omufango waSWAPO wetambulafano wa yelifwa natango kewiliko layo



Tatekulu (Mzee) Kaukungwa ta popitha oshigongi mOshakati.

Oshoongalele shotete mewiliko longudu yopashiwana oSWAPO yaNamibia oshapilikina mokanya kewiliko loSWAPO, omufango wondudu oyo kombinga yetambulafano moshiwana eshi sha tilifafanifwa nosha limbililwafana, opo emanguluko li tambulwe koshiwana shi li kumwe sho shi na ombili.

Oshoongalele osha li mOshakati 24.6.89, ngehe she lixulwa nale 1976 eshi sha halakanene inashi lekelafana omolwomadengo ovapolifi va SA, pOluno mOndonga. Oshoongalele shomOshakati osha ningi yo shotete mokupopifwa koilyo yewiliko longudu ei ya kala pondje yoshilongo nokengfifi linene lovalumenhu novakainhu ovo va fadukilepo oupika, ndee tava ka konga eenghono mounyuni wopondje oku u teya po.

"Fye Ovanamibia, Ovalaule nOvatilyane moita inatu ya mo twa hala mo, ndele otwa findilwa mo ku SA oo a hala okatongotongo ka twikile," osho omayovi nomayovi moshoongalele shinya a hokololelwa openi pa dja oita oyo ya xulifa po oshiwana eshi.

Ehepu ola dja mokanya kaTatekulu (Mzee) Simon Kaukungwa, Hamushanga woshitai shovakulupe moSWAPO. Oye yo kwa li umwe womoilyo yEwilikongudu loSWAPO, pondje yoshilongo, ei ya li moshoongalele osho.

Vakwao va li mo omushamane Nahas Angula, Hamushanga wehongo moSWAPO, ou okwe uya okuwilika omalishangifo ehoololo, omushamane Timothy Hishongwa, Hamushanga woshitai shovanyasha; omushamane Nangolo Iithete, paife omukulunhu mepashuliko lovaaluki, nameme Pendukeni Shoombe, Hamushanga moshitai shovanyasha.

Ovawiliki vakwao vomeni loshilongo navo omo va li moshoongalele osho, nove shi popifa. Omushamane Nathanael Maxwilili ou a kalele efimbo lile a ngabekelwa mOmbaye, omushamane Frans Iindongo, omushamane Engelberght Atshipara; Hefolo dr Teopolina Tweumuna nomushamane Shikongo Nuunyango.

Mokudjadjukununa omufango womulandu wongudu, Tatekulu Kaukungwa okwa ulika koinima oyo SA a kala he i longifa ngaashi onhata yokunyateka edina loSWAPO. "Nda ka lifile, nda aluka oukoloni wa kufile nge mo eshi nda ile nda pitila mombefeke yekende londjuwo," osho omukulupe a popifa lwotete oshiwana shaye konima yomido 25 eshi a ya.

Okwa twikile ko ngaha nehepu laye kutya eshi va kala kombanda, ova kala alushe neitavelo kutya otava ka aluka efiku limwe va pangele oshilongo eshi. Mokushilipaleka eteelelo olo, omukulupe okwa ti kutya ova tota diva oshitai shongudu shokakulumbwati eshi sha itavelifa ombulu i popye nafye ombili, nande ya kala ye shi anya shito.

Okwa ti ombili kufye oshinima twe shi halela omunhu keshe, inapu talwa koluvala laye, koshipa ile eitavelo. "Fye ava hatu wilike ongudu otwa tota po omufango wetambulafano. Ihatu fininike okukufa omunhu mongudu yaye omo e li ngeenge ina hala. Nashi ke limonikile kehoololo," osho a kungulila engafifi lovapwilikini vaye.

Okwa wedako kutya Ovanamibia kevahapu momuvalu, ndele ova fya nai omolwombili oyo ya kala i he po. Tu tungeni ombili moshilongo shetu. Mbulu molwokatongotongo, okwa findila Ovanamibia moita, Ovatilyane nOvalaule, opo okatongotongo kaye ka twikile.

Okwa ninga natango eindilo koshiwana, shi hangane kumwe, opo shi tungeni oshilongo shetu. Kombinga yeenghono da SA edi da hongolola vamwe nova itavela mudo, omushamane Kaukungwa okwa popya nondaka

ya kola, nokutya epangelo loshiwana ola fika, nepangelo lEembulu ola xula po. "Ava mwa kalela natango epangelo lOmbulu, omwa kalela omuti tau fi nokau na fiku nau ka ime vali. Ileni koSWAPO," osho e va shiiva.

Oshinima sheitavelo lomuKalunga, mokati koilyo yaSWAPO, omukulupe Kaukungwa okwe shi popile kumwe nomukundu wekufepo lomaliko oshiwana, hau popiwa ku SA. Ohashi dulika ngoo u likeko ove mwene koshitai oko wa londa ko? osho a pula ina teelega enyamukulo.

Ngeno ha Kalunga, ngeno haNgeleki, ngeno havanangeshefa, ngeno ongudu yetu oya xula po nale, osho sha kala eitavelo letu, osho a holola oinima oyo ya kala ye va humbata mekonjjo lavo, notava twikile oku i fimaneka. Pexulilo loshipopiwa shaye Tatekulu Kaukungwa okana kaye oka hovela okukukuta nondaka yaye tai anyenemo. Omesho okwa hovela okukengela omahodi nomilungu tadi kakama kehafo.

"Vamwange, onda nangala handi ende (okudja kOvenduka) ndi uye ndi mu popife. Nda ka lifile da alula," osho a tonga nondaka ya va poshi, fimbo ta lengalenga ongudu inene yaavo va hangika va fika moshilongo, ovanyasha novakulupe nova fika yoo moshoongalele osho.

Okwa endulula natango oshinima shomatilifafano nokwa tumbula: Ohandi mu indile ngaashi nde shi pewa, inamu lwifa nande eengudu dimwe ngaashi di li moshilongo. Ekondjo letu tu li ningileni ashike poukefa wehoololo. Komakakunya oo inaa hala okudiladilulula, okwa ti kutya SWAPO ota diminipo ngee tava aluka. "Ohatu va diminipo," osho a endulula luhapu "osheshi kave shii osho tava ningi."

Meyululo loshoongalele omufita Jonas Mwetota okwa ti kutya ekondjo laNamibia olo la likifa ovanhu komayoka nove lipuma moifidi, eshi li li ngaha pokuxula, vamwe moumbada wavo ope na natango omhito va ka djuulukwe eembiya deembelela da SA, ile va kale tava tila omakaspeli aye. Ashike ondaka yOmwene otai tu nonena omukumo oshiwana shi ha tile Ex.14:11-14.

Omushamane Nahas Angula fimbo ina yandja ekundo lomupresidente woSWAPO, Nujoma, okwa indila oshoongalele shi mwene ominute dimwe, okudimbuluka ovo eemwenyo davo da

Tala kep. 8



Methano ndika oku za kolulyo Nangolo Iithete, Timothy Hishongwa, Nahas Angula, N, Maxwilili naShikongo.Nuunyango.

Lyyli Lugambo Shikongo

Lyyli okwa longo
Lugambo okwa yakula
Okutameka megumbo
Sigo opuushiinda
Okukwatha kwa Lyyli
Inaku hulila megumbo
Okuyakula kwaLugambo
Inaku hulila puushiinda
Omutumwa he endebele
Okwa tsikile natango.

Ngele wa hala ekwatho mbala
Tuma utale Lugambo
Omutumwa he endebele
Ote ku galukile mbala
Momuhandjo a kala mo
MOsekundo yaNgandjera
Muudhigu a kala mo
Molwaatondi ye ya li mo
Ye ekameka omakana
Ya hala ye mu nine po.

Tala u tale Kalunga
Nampongo iha nyengwa kusha
Ina pitika Lugambo
A ye mokana kaatondi ye
Okwe mu ithana po mwene
A ka vululukwe
Meti 12.9.1987
Okwa adhika kuuvu
Ina adhika megumbo
Okwa adhika puushiinda
A ka keelela megumbo
Mang'ooyene taye ya.

Lyyli okwi isisidha
Lugambo okwi idhidhimike
Okwe ya mbala kegumbo
A ka ye koshipangelo
Ongula yOsoondaha
Okwa yakulwa mOkahao
Okwa yakulwa nombili
Nokwa shuna kegumbo.

Komatango gOsoondaha
Uuvu wa geye nduno
Omutse nombunda ta lili
Notwe mu shunitha ko ishewe
Mokutenadhala kwe
Lugambo ta galikana
Nomatumbulo gahugunina
"Kalunga kandje kwatha ndje"
"Kalunga kandje kwatha ndje"

MOkahao twa thiki mo
KOshakati twa tuminwa
Oominate dhimwe-dhimwe
Oshikogo oshiludhe she tu siikile
Ote atuke yaali
Elaka lyoluhodhi lyetu adha
"Lugambo a hulitha"

Kalunga okwe tu tumine
Aamati ye yombili
Ta ye tu hekeleke
Noku tu tsa omukumo
Lyyli Lugambo ntowele
Vululukwa nombili
Nge kwa luudha ote tatu ya
Tu kaleni meligolo lyaana yaKalunga.

Aantu ne yaKalunga
Mwa tondokele onkugo
Katu na itya tu tumbule
Tu mu pandule andola
Shila natu tye ashike
Omuwa na yambeke
Miiigunda yeni mwa yi mo
Omuwa oku wete mo
Moondjato dheni mwa yi mo
Omuwa na shunine mo
Amuhe mwe tu galikanene
Omuwa okwe mu uva.
Eimbilo 625.

AakwaShikongo
Okahao

Ando aalumentu yoshilongo shika yi ikanyutulule
konkalo yomalovu, nena oshilongo otashi yamba-
pala meendelelo pwaa na omalimbililo, oshoka ii-
maluwa oyindji ohayi longithwa komukalo gwe-
shundulo. Omuntu oto si ohoni komulumentu o-
mukweni a zala omutsuhu noongaku dha thetwa
ontsi, ihe ondunge ye yokomatango aluhe oya
ponya.

Noshuta ye kolutu oto mu adha ta penduka melu-
ndu. Oto adha tu ulike ongonyo mombanda
"Viva Nuyoma viva", ongaangoka a tonata
shili, ye ti itile omalovu koonguwo. Owo nduno
uuholishigwana mbono? Oshike ano ihoo tameke
uukorasa nomaimbilo manga inoo kwata ekende
pothingo?

Olyo nduno euvaneke lyondjila sho ho tokelwa
poshitaafula sha kundukwa komaludhi gomake-
nde mesiku lyaCASSINGA, lyaNGULUMBA-
SHE nenge mo MAY DAY? Matsa sho wa
tameke okwiithanwa nakunwakwashili owa
koneke naanaa shike we shi likola molwonkalo
yokunwa? Oiatu ke shi fululeni ko tuu aamwame-
me?

Oshike ano mwa nyengwa okudhimbulula kutya
omalovu ogo omutondi gwoatango gwoshigwana?
Shigwana shandje, owa tegelela ewi li ku zilile
megulu tali popile omalovu muuwinayi? Yayee,
epapudhuko moshigwana okupapudhikila
omalovu!

Omuntu oha tila okushekelwa uuwanawa, ye iha
tala ondjaha yaKalunga Omunamwenyo. Oha
landula elombwelo, "Makela u tale" ye ke shi
kutya nomutondi/Satana oha pitile momuntu
palupe "Iwemakelo".

Yakwetu, okulya nokunwa itayi kutitha, yo iitu-
thi yomalyo onayi ka hula ngaa siku limwe. Elo-
ngelo lyOmuwa ohatu li dhimbwa po thilu, notwa
hokwa okutyapula uutoye womagadhi gomaliko
getu. Shigwana (uuna te popi oshigwana, nangoye
onde ku yalula) iikolitha otayi ku pilaaleke peha
lyoku ku tonatitha. Otayi ku yugu ondunge peha
lyoku ku gwedhela ko, otayi ku fala kokule nomu-
shigakano gwaKristus.

Shika oto shi monene eyamukulo mwene uuna to
konakona ekwatathano lyoye naKalunga
lyopaife. Iinima sho tii popiwa oya fa omategu,
ihe siku limwe ono ka tya sha popilwe. Tse iinima
ohatu yi popi nando kamu hole yi popiwe. Shilo-
mbolwa, ongoye gumwe gwaamboka kaye hole yi
popiwe?

F.K.Shingenge's
Tsandi

Dha za kep. 1

Okuza petameko lyOngeleki, Ongeleki oya tu-
ngala sha zi mombepo yEtummo, ndjoka ya li tayi
inyenge maantu mboka ya li yu uvu oohapu
dhaKalunga.

PaMbimbeli omutumwa oye ngoka i itaala Je-
sus kutya oye Omuwa, ngaashi aalongwa ye na-
Paulus.

Oshilyo kehe mOngeleki nomegongalo lyaKris-
tus oshi inekelelwa okulonga oshilonga shetumo
megongalo lyaandjowo.

Kaye hole iinima yi popiwe


Oku ngua u popye ho, u pewe shono to pula. Ota-
ndi ziilile ko ngeyi:

Oshilongo oshi na aalumentu ya pikwa kiikolitha
esithahoni, ya ninga iipithilo. Nandi shi tumbule
ngeyi kutya oyendji yomaalumentu yoshilongo
shika eitaalo lyawo mokakundu ongaashi naanaa
eitaalo lyomukwiita i itaala kutya shaa tuu o-
ndjembo ye ya ponyo (pethimbo lyomaumbathano)
nena shi li po eso ashike a tegelela opuwo.

ESO

Jason - Nangolo Mandume (29) mOmpugulu
mEgongalo Onayena mOndonga, okwa mana
oondjenda dhe ombaadhilila 06.04.1989. Omuvithi
4:1-4 Eimbilo 172 (480)

Kandume Evelina Hosianna
Box 479
Ondangwa
9000




9.2.1989 Kalunga okwa
zimine eso lyombadhilila
lyaPaulina Elizabeth Ma-
rtin Nelago moshiponga
shomomeya. Okwa li a
putukile mOkambogo
mOnyaanya nokwa hiti o-
sikola ye pEmanya si-
go ongundu onthamano.
Eps. 137 Eimbilo 455.

Elly N. Ndhikwa
Emanya Sec. School

Omusamane Samuel Andreas kwa mana oondjenda dhe
24.3.1989. Okwa thigi ko omakulukadhi gwe naanona 4,
mOluteyi mOngandjera, Joh 11:25, Eimbilo 372.

Aina N. Kalenga
Okahao



te Hanghome Sakaria
Haukena (92) womomukunda
Okanghudi meongalo Engela
okwa fya. Okwa fuyako omu-
fyeekadi ounona 10, ovatekulu
76 noutekulululwa 13.
John.14.21 Eimbilo 375

F.K.H.S.Haukena
Engela

Ookuume ketumo megongalo nayo wo naa yeli-
the oshilonga shika koshilyo kehe shegongalo.
Ewilikongundu nali longe osikola yetumo me-
gongalo pamwe nomusitagongalo.

Etumo muuyuni okukondjitha uupagani noo-
nkondo dhawo nokweeta aantu yaKalunga me-
hupitho.

Johannes Mvula